

ՀԱՄԱՐԱԿԱԿԱՆ

ՀԱՍԱՐԱԿԱԿԱՆ, ԳՐԱԿԱՆ ԵՒ ՔԱՂԱՔԱԿԱՆ ՇԱԲԱԹԱԹԵՐԹ

ԿՈՎԿԱՍԻ ՎԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

10 կապեկ

Լայն է շեռնում կիսակի օտեր

10 կապեկ

ԲԱԺԱՆՈՐԴԱԳԻՆՔ օտեկան 4 ոտերի, կէս օտուան 3 ոտերի.
Արտասանման՝ օտեկան 5 ռ., կէս օտուան 3 ռ.

ԽՄԲԱԳՐՈՒԹԻՒՆԸ՝ Քիֆիս, Արասարգեան Երազար. № 7.
Հեռախոս № 29.

Պատի հասցեն.— Тифлис, „Амбасадоръ“. Tiflis, Rédaction du journal
„Hambavaberi“.

ՈԱՅՏԱՐԱՐՈՒԹԻՒՆՆԵՐ՝ օղիմ 10 կապեկ.

Խմբագրութիւնը բաց է առաւօտեան ժամի 10—2, բացի կիրակի և տոն օրերից
Տպագրութիւնը ուղարկուած ձեռագրերը կարող են մեքարկուել փոփոխման և
կրճատման.
Տպագրութեան համար անյարմար ճանաչուած մեծ յօդուածները պահուած են
վից ամիս խմբագրատանը, իսկ փոքրերն անմիջապէս ոչնչացուած.
Տպագրութեան համար անյարմար թղթակցութեանց և յօդուածների առթիւ
խմբագրութիւնն պարտաւոր չի համարուած գրաւոր բացատրութիւններ տալ.

ԲՈՎԱՆԴԱԿՈՒԹԻՒՆ

Մի կայսրութեան վախճանը (Երիտասարդ Քիւրքերի գործը).
Թարգմ. Ժ. Թ.-ի.— ՀԱՄԱՇԵԱՐՀԱՅԻՆ ՊԱՏԵՐԱԶՄԸ.— ՊԵ-
ՏԱԿԱՆ ԿԵԱՆՔ.— Անցքերը Պետրոգրադում.— Սահմանադիր
Ժողովը, Վ. Սորէնի.— Քառանդամ ընտրողական իրաւունքը.
Մ. Սահակեանի.— Մահմեդականների համագումարի օրոշում-
ները.— ԳԱԻԱԲ.— Քիշնէ.— ՏԱՐԵԳԻՐ Կ. Հ. Բ. ԸՆԿԵՐՈՒ-

ԹԵԱՆ (Կ. Հ. Բ. ԸՆԿ., Հ. Կ. Կոմիտէ և պարենաւորման բաժան-
մունքը պիտ. միջոցներով).— ՔՐՈՆԻԿՈՆ.— ԱՐՏԱՔԻՆ ՏԵՍՈՒ-
ԹԻՒՆ.— Կրպակուկներ պատերազմի մասին, Գ. Մնգիսարեանի.—
ՏԱԿԱՆԱՆՍՏԵՐ.— The Christian շարաթաթերթը.— Երվանդի
կոտորածը, Արմենակի.— ԳԵՂԱՐՈՒԵՍ.— Վերջին աղօթքը,
Հ. Արտուրի.— ՏԵՂԵԿԱՏՈՒ.— ՀԱՄԱԿ ԽՄԲԱԳՐՈՒԹԵԱՆ.—
ՊՈՍՏ-ԱՐԿԷ.— ՅԱՅՏԱՐԱՐՈՒԹԻՒՆՆԵՐ.

ՄԻ ԿԱՅՍՐՈՒԹԵԱՆ ՎԱՆՃԱՆԸ

ԵՐԻՏԱՍԱՐԳ ԹԻՐԵՔԵՐԻ ԳՈՐԾԸ

1908 թուի յուլիսի 25-ին, մօտաւորապէս ութ ու կէս տարի
առաջ, Օսմանեան կայսրութիւնն տապալուեց մի յեղափոխու-
թեամբ: Մերոնի Սուլթան արիւնաբոս Արդիւ Համիդը տեղի
տուեց երիտասարդ Քիւրքերին, երդուեց սահմանադրութեան
կաւաւարիմ մնալու և այդ շարժումը ամբողջ աշխարհում, մաս-
նաւորապէս Յրանսայում, համակրանքով ընդունուեց, ազէաներն
այդ շարժումը ազատական էին կարծում:

Քիւրքեյային կարելի էր արդեօք շնորհաւորել այդ յեղա-
շրջման համար, եթէ մի ակնարկ ձգենք նրա արդի քարտէզին
վրայ, զիւրութեամբ կարող ենք պատասխանել այս հարցման:

Օսմ. կայսրութիւնն 4 միլիոն բնակչութեամբ մի ընդարձակ երկիր էր,
ծուքեամբ և 40 միլիոն բնակչութեամբ մի ընդարձակ երկիր էր,
նոր երիտասարդ Քիւրքերն իշխանութեան գլուխն անցան: Բայց
արդի Քիւրքեյան մի ողորմելի մնացորդ է տաճնակեցեորդ զարու-
սուլթանների ստեղծած պաակառիկ կայսրութեան: Նա բոլորովին
անհետացել է Աֆրիկէից և Եւրոպայից և անհետանալու վրայ է
Ասիայից, անդիլիայի ու ռուս մեր զաշնակիցների հարուածին
տակ: Ութ տարուան ընթացքում երիտասարդ Քիւրքերը կորսն-
ցրին իրենց երկրի երկուերորդ մասը... իսկ մնացորդը լա-
ձեռների մէջ է:

1908-ին, Օսմ. կայսրութիւնն Եւրոպայում ունէր 326,000
քառ. կիլոմետր տարածութիւն և 11 միլիոն ժողովուրդ: Մի մասն
այս հողերից բաղկացած էր հպատակ երկիրներից, ինչպէս օր-
բոլորական իշխանապետութիւնը, Արեւելեան Ռումելիան, Բոսնիա-
Հերցեգովինան և Նովի-Բազարի գաւառակը, որոնք սկստաւար-
ւում էին Աւստրո-Ունգարիայի ձեռքով:

Երիտասարդ Քիւրքերը ձգտեցին Բուլղարիան հպատակ
դարձնել իրենց, իսկ Բոսնիա-Հերցեգովինան ու Կրետէնը գրաւել
պարզապէս: Զեռնարկեցին գործի: Հետեանքներն շուտով երևան
եկան:

1908 թ. հոկտ. 6-ին Ֆերիքիւնը Կորուրդը անկախ յայտա-
բարեց Բուլղարիան ու Ռումելիան, որ 100,000 քառ. կիլոմետր
տարածութիւն և երեք ու կէս միլիոն ժողովուրդ ունեցող մի
հողամաս էր: յաջորդ օրը, հոկտ. 6-ին, Վիեննայի կառավարու-
թիւնը իւր զիւանազիտական բոլոր շրջաններին ուղղուած մի
շրջաբերականով, Հերցեգովինա-Բոսնիան կցուած յայտարարեց
Աւստրո-Ունգարիոյ կառավարութեան: Տաւն օր յետոյ, հոկտ.
15-ին, Կրետէն հանդիսաւոր կերպով յայտարարեց որ միա-
նում է Յունաստանին, որով Քիւրքեյան նորից զրկուեց 51,000
քառակուսի կիլոմետր հողից և 1½ միլիոն բնակչից, այլև 3,618
կիլոմետրից և 300,000 բնակչից:

Այսքան յաջող ճանապարհի վրայ կանգնելը ցաւալի պիտի
լինի: Եւ 1912-ին Միջերկրական ծովի կղզիներն անցան Իտալիայ.
1913-ին երիտասարդ Քիւրքերն՝ բուլղարների, սերբերի և յոյ-
ների կողմից ջախջախուած, կորցրին իրենց Եւրոպական բոլոր

կալուածները, քացի Կ. Պոլսից և իւր կից շրջանակից: Այս բանը անդամանելի դժբաղդութիւն եղաւ այն Թիւրքիոյ համար, որի զօրքերն մի ժամանակ գրաւել էին Ռուսաստանի ամբողջ հարաւային մասը, Հունգարիան և Աւստրիոյ մի բաժինը, որ պաշարել էին Վիէննան և հասել մինչև Հոնոս գետը և այժմ անհետանում են գրեթէ Եւրոպայի քարտէզից:

Աֆրիկայումն անհետացումը կատարեալ եղաւ Իտալիոյ դէմ ժողոված պատերազմը վերջացաւ Լոզանի դաշնադրութեամբ, որով Բարձրագոյն Դուռը՝ մէկ միլիոն քառ. կիլոմետր և նոյնքան բնակչութիւն ունեցող Տրիպոլիսը դիջաւ Իտալիոյ: Ներկայ պատերազմի ընթացքում Եգիպտոսը բոլորովին անջատուեց Թիւրքիայից:

Միայն Ասիան էր մնում Թիւրքերի ձեռքը և յոյս էր տածւում, որ նրանք պիտի աշխատէին իրենց կալուածների այս յետին կտորը պահելու: Բայց նրանք համաձայնեցին գերմանացոց հետ և այդ պատառն էլ դարձրին Վիէնայի գաղութներից մէկը:

Եւ այսօր, շատ մօտ է, որ նա էլ ընկնի համաձայնութեան պետութիւնների ձեռքը: Կովկասի առևտրական բանակը գրաւեց Հայաստանը, Եգիպտոսի անգլիական բանակն սպառնում է Սիրիայի շրջանին, Միջագետքի անգլիացոց զօրքը գրաւեց Բաղդադն և Պարսկաստանի առևտրական բանակն շտապում է իւր կարգին դէպի Նիքիտաի ու Տիգրիսի ընդարձակ հովիտները: Ընկնի օր Սուլէյմանի կայսրութիւնը փոքրանում է և պատերազմի տաքութեամբ գոլորշանում:

Սարսափելի մի պատասխանատուութիւն է ծանրանում ներկայիս այն վոյսակի վրայ, որ յեղափոխութեամբ և ոճրագործութեամբ, Սթամբուլի իշխանութիւնը բռնութեամբ ձեռքն ու ոտքը կապած վիճակով Թիւրք ժողովուրդը յանձնեց Բեռլինի արհեստավում բռնապետին:

Նրանք գերեզմանափորներ եղան այն պետութեան, որ մի ժամանակ այնքան վիթխարի էր:

Բարդա Մ. Թ.

«Le Matin» (№ 12068)

Համաշխարհային պատերազմը

Ռուսաց արեւմտեան նախատում շարաթուայ ընթացքում տեղի են ունեցել առաջամաս զօրքերի մանր ընդհարումներ միայն:

Կովկ. Նախատում՝ ապրիլի 28-ին ուսաներն նորից անցան Դիլիս գետը Ջուժուրի մօտ, Սանիքենից հիւսիս, բայց հանդիպելով Թիւրքական մեծաքանակ ոյժերի՝ ստիպուած եղան յետ դառնալ:

Փրանս-անգլիական նախատ. Շաքաթուայ ընթացքում այս ճակատի վրայ կռիւները ուժգին կերպով առաջ տարուեցին: Գերմանացիք առևտրական և այլ ճակատներից քաշելով իրենց ուժերի մեծ մասը կենտրոնացրին այս ճակատում: Փրանս-անգլիական բանակի հերոսական առաջխաղացութիւնը գաղթեցնելու համար: Բշնամին՝ ապրիլի 28-ին ուժգին կերպով յարձակուեց Բիւլլեկուրի ուղղութեամբ և Հինգինբուրգի դժի վրայ, բայց անյաջողութեան մատնուելով յետ շարժուեց: Իպրի շրջանում անգլիացիք յաջող յարձակում են գործում և գերիներ առնում: Մայիսի մէկից անգլիացիներն սկսել են առաջ շարժուել Սկարպա գետի ուղղութեամբ, գրաւելով Ռէ գիւղը:

Մինչև ապրիլի 28-ը անգլիացիք ու ֆրանսացիք գերի են վերցրել 49,579 հոգի, որից 976 սպայ, 446 հրանոթ, 386 խրամատային՝ մօրտիր, 943 գնդացի և ուրիշ բազմաթիւ պատերազմական աւարներ:

Ներքին Տեսութիւն

ՊԵՏԱԿԱՆ ԿԵԱՆՔ

ԱՆՑՔԵՐԸ ՊԵՏՐՈԳՐԱԴՈՒՄ

ԱՌԱՋԻՆ ՊԵՏ. ԴՈՒՄԱՅԻ ԲԱՅՄԱՆ ՏԱՐԵԴԱՐԱԸ

Ապրիլի 27-ին Պետրոգրադում կատարուեց հանդիսաւոր կերպով առաջին Պետական Դումայի բացման տարեդարձը: Բոլոր նստաշրջանների պատգամաւորները, առանց խմբակների բաժանուելու, բռնել էին իրենց տեղերը: Ներկայ էին նաեւ ճակատի համագումարի պատուիրակներն և բան. ու զին. խորհրդի Դործագիր Կոմիտէի՝ անդամները: Դիւանագիտական օթեակում տեղ էին բռնել դաշնակից պետութիւնների ներկայացուցիչները: Ժամանակաւոր Կառավարութեան անդամները նստած էին պատգամաւորական աթոռների վրայ:

Առաջին անգամ խօսք է առնում Պետ. Դումայի նախագահ Ռոճեանկոն, որ առաջարկում է յոանկայս յարգել մեռած պատգամաւորների յիշատակը. ապա մի պատմական ակնարկ է անում Դումայի պատմութեան վրայ և պատկերացնելով Ռուսաստանի դիրքին իւր դաշնակիցների և ընդհ. աշխարհի հանդէպ, կոչ է տանում յանուն այդ դիրքի անսասանութեան յարգել իրենց խոստումը և շարունակել պատերազմը մինչև պատերազմի վախճանը:

Ռոճեանկոյից յետոյ խօսում է երկրորդ Դումայի նախագահ Դոլլովին, որ յորդորում է շուտով գումարել Սահմանադիր Ժողովը, որպէսզի երկրի ձեռք բերած Թանկազին ազատութիւնը դրուի իրաւական աւելի հաստատուն ու ամուր հողի վրայ:

Ապա յաջորդաբար խօսք են առնում Իշխ. Լվովը, Պետ. Դումայի անդամները, Դուչկովը, Կերենսկին և ուրիշներ:

ԳՈՒԶԿՈՎԻ ՇՐԱԺԱՐԱԿԱՆԸ

Մայիսի 2-ին զինուորական նախարար Դուչկովը հրաժարական ներկայացրեց Ժամ. Կառավարութեան մինիստր-նախագահին: Նրա փոխարէն ենթադրւում է, որ Կերենսկին պիտի նշանակուի:

Դուչկովի հրաժարականը բղիւմ է զինուորական այն ծանր ու անդադարաւորապէս կացութիւնից, որում ապրում է ներկայումս Ռուսաստանը:

Այդ գրութեան մասին Դուչկովը դժբանակաւոր պատգամաւորների համագումարում տալիս է մանրամասն ու բնորոշ բացատրութիւններ և կոչ է անում, որ երկիրը պէտք է ծայրայեղութիւնից դուրս հանել, դեռ նոր գործի սկսած Կառավարութիւնից չպահանջելով այն, ինչ որ անկարելի է նոյնիսկ ամեն ազատ երկրների համար:

ՄԻԼԻԿՈՎԻ ՇՐԱԺԱՐԱԿԱՆԸ

Մայիս 3-ին Ժամանակաւոր Կառավարութեան գիշերուայ նիստին Միլիկովը հետաքաւ նախարարների նիստի զանկէից, յայտնելով, որ թողնում է արտաքին գործոց նախարարի պաշտօնը և բոլորովին դուրս գալիս նախարարական կազմից: Ժամանակաւոր Կառավարութեան անդամները առաջարկեցին որ նախարար-նախագահ իշխ. Լվովը վարէ արտաքին գործոց նախարարութիւնը, բայց սա մերժեց բացարձակապէս, յայտնելով որ ինքը այդ գործին ձեռնհաս չէ համարում իրեն: Այնուհետեւ Ժամ. Կառավարութեան անդամների մեծամասնութիւնը հնարաւոր համարեց արտաքին գործոց նախարարութեան պաշտօնը յանձնել Տերեշենկոյին: Զինուորական և ծովային նախարար նշանակւում է Կերենսկին:

ՍԱՀՄԱՆԱԴԻՐ ԺՈՂՈՎԸ *)

Այդ բոլորը նկատի ունենալով պարզում է՝ թե որքան կարևոր հարց է Սահմանադիր Ժողովի կազմի հարցը։ Որպեսզի դա հասարակութեան մեծամասնութեան—աշխատատեղեր ու ճնշուած ժողովրդի շահերի ու ցանկութիւնների արտայայտիչը հանդիսանայ, դրա ընտրութիւնները պէտք է կատարուեն բոլորովին ազատ քաղաքական պայմաններում և կատարեալ ընտրական իրաւունքներով։ Այսինքն ժողովուրդը պէտք է մինչև Սահմանադիր Ժողովը գտնէ հաստատ պահի իւր ձեռք բերած քաղաքական և քաղաքացու ազատութիւնները—գումարումների, շարժուելու, խօսքի, մամուլի ազատութիւնը, անձի անձեռնմխելիութիւնը և ընտրական իրաւունքը։ Առանց այդ բոլորի Սահմանադիր Ժողովը երբեք էլ ցանկալի արդիւնք տալ—Ռուսաստանում ժողովրդապետական կարգեր հաստատել չի կարող։ Առանձնապէս ժողովրդական-սոցիալիստական կուսակցութիւնները պէտք է ազատութիւն և հնարաւորութիւն ունենան և աշխատեն որքան կարելի է աւելի շատ անդամներ ուղարկել Սահմանադիր Ժողով քան բարձր և հարուստ դասակարգները։

Սահմանադիր Ժողովի կազմից յետոյ երկրորդ կարևոր խնդիրը նրա անդամների թուի խնդիրն է։ Սահմանադիր Ժողովը իբրև առաջին և հիմնադիր ժողով ընդհանրապէս աւելի բազմամարդ է լինում քան սովորական օրէնսդիր ժողովը—պարլամենտը։ Քանի որ Հիմնադիր Ժողովը աւելի ընդհանուր, կարևոր, հիմնական կամ տնտեսական նշանակութիւն ունեցող հարցեր է որոշելու, ուստի և ցանկալի է, որ նա ըստ հնարաւորին քաղաքամարդ լինի, որպէսզի կարողանայ Ռուսաստանի քաղաքացիներին ժողովուրդների կամքի—շահերի և կարիքների արտայայտիչը հանդիսանալ։

Սահմանադիր Ժողովի բազմամարդ լինելը կարևոր է դառնում մասնաւորապէս, երբ նկատի ենք ունենում այն հանգամանքը, որ Ռուսաստանը ունի թէ անդադրական, անաւանական և թէ կուլտուրական տեսակէտից այլազան ժողովուրդներ։ Սրանք էլ պէտք է ըստ հնարաւորին շատ ներկայացուցիչներ ունենան իրենց սերոյն շտններն ու իրաւունքները լաւ պաշտպանելու համար։

Երրորդ կարևոր հարցը—Սահմ. Ժողովի գումարուելու ժամանակի հարցն է։—Ռուսական Մեծ Յեղափոխութիւնը միայն իւր յեղաշրջման գործողութեամբ էր կարճատև։ Այդ, իրօք, մի երկարատև հասարակական պրոցէսս է։ Դա կազմուած է յեղաշրջման գործողութիւնից, ժամանակաւոր կառավարութիւնից և Սահմանադիր Ժողովից։ Ուրեմն դա զեռ չի վերջացել, այլ շարունակուում է և հետզհետէ ամրացնում է նոր կարգի հիմունքները։ Սահմանադիր Ժողովը Յեղափոխութեան կատարման պրոցէսսի վերջին, հաստատուն շրջանը պէտք է լինի։ Քանի Սահմ. Ժողով չկայ և իւր շինարար աշխատանքը չէ կատարում քնական պայմաններում՝ Յեղափոխութեան գործը չի կարելի վերջացած համարել։ Որքան որ դա շուտ գումարուի և երկրի համար հաստատուն կարգ հաստատուի՝ այնքան լաւ։ Գումարման ժամի յետաձգման պատճառները մինք գիտենք։ Դրանք են՝ արտաքին, պատերազմական աննպատակ հանգամանքներ և նախապատրաստական աշխատանքներ։ Բայց և այնպէս դա շատ էլ յետաձգուել չի կարող։ Անցման շրջանները վտանգաւոր շրջաններ են։ Մահաւանդ այսպիսի մի լայնածաւալ և քայքայուած պետութիւն կարիք ունի օր առաջ որոշ և հաստատուն կարգ ստեղծելու։ Ժամանակաւոր կառավարութիւն կոչուածը մի շատ անորոշ մեծութիւն է, մի երկսայրի սուր, մի երկդիմի կառավարութիւն ու քաղաքականութիւն։

Զորքորդ մեծ հարցը, որից և կախում Սահմ. Ժողովի գումարման ժամանակը,—դրա համար կատարելիք նախապատրաստական բարդ աշխատանքներն են։ Ամենամեծ հարցերը երկիրը ընտրական շրջանների բաժանումն է և առհասարակ ընտրական իրաւունքի մշակումն։ Ընտրական օրինաւոր շրջանների բաշխումը անազին դժուարութիւն է առաջ բերում շնորհիւ այն հանգամանքի, որ ընտրողների, քաղաքացիների մի անազին թիւ այժմ կենտրոնացած է հակառակորէ։ Վերամշակման պէտք է ենթարկուի և ընտրական իրաւունքը։ 1905—07 թ. ընտրական իրաւունքները շատ են թերի ու անբաւարար քաղաքացիներին ժողովրդի կամքի արտայայտիչ։ Սահմանադիր Ժողով գումարելու համար։

Այս և այլ նախապատրաստական աշխատանքներ և արտաքին հանգամանքներ յետաձգում են Սահմանադիր Ժողովի գումարումը։ Բայց նա շատ ուշանալ չէ կարող։ Նրա ըստ հնարաւորին շուտափոյթ գումարումն ընդհանուր պետական և ժողովրդական հրամայական պահանջ է։ Երկիրը կարիք ունի որոշ պետական ձեռք, հիմնական օրէնքների և հաստատուն իրաւակարգի։

Մենք էլ պէտք է պատրաստուենք այդ Ժողովի համար։ Մենք էլ չպէտք է ուշանանք։ Սահմ. Ժողովը ամիսների գործ է։ Գիտակից քաղաքացին պէտք է ոչ մի օր ու ժամ չկորցնէ պատրաստուելու Սահմանադիր Ժողովի համար։

Վ. ԽՈՐԷՆԻ

ՔԱՌԱՆԴԱՍ ԸՆՏՐՈՒԹԵԱՆ ԻՐԱՒՈՒՆՔ *)

Բ.

Բացի ընդհանուր ձայնատուութիւնից ընտրական իրաւունքը պէտք է լինի նաև հստատար։ Այդ նշանակում է, որ ամեն մի քաղաքացի՝ ազգաբնակչութեան որ խաւին էլ որ պատկանելիս լինի, ընտրութիւնների ժամանակ միմիայն մի ձայնի իրաւունք ունի և ձայները համազօր նշանակութիւն ունին։ Քանի որ իրաւունքը պատկանում է անձին և ոչ թէ նրա ծագմանը, հարստութեան, կրթութեան և այլն, պարզ է ապա ուրեմն, որ ոչ մի սահմանափակում այդ ուղղութեամբ չի կարող իրաւացի լինել։ Այն բանաձևը (ֆորմուլան), թէ հարուստներին կամ նշանաւոր ծագում ունեցողներին է յատուկ երկրի քաղաքական կեանքի տնօրինութիւնը, պէտք է արդէն ջախջախուած համարել, քանի որ իւրաքանչիւր անհատ, անկախ իւր կարողութիւնից և կոչումից հաւասարապէս է ենթարկուած պետական օրէնքներին և հաւասարապէս է տանում օրէնքի լուծը։ Միւս կողմից միանգամայն ջնշուելով կոչումների (эваніе) տարբերութիւնը, վերանում է նաև դրա վրայ հիմնուած արտօնութիւնները։

Սակայն հաւասար ընտրողական իրաւունքը կրճատելու համար տիրող դասերը հիմնել և հիմնում էին մի շարք սահմանափակումներ։ Նախ ձայների բազմութիւնը, այսինքն մի անձ նախ իւր կարողութեան, կրթութեան և ծագման ունէր մի քանի ձայն, այն ժամանակ երբ մի ուրիշը օգտուում էր միայն մի ձայնի իրաւունքով։ Բարոնի կամ կոմսի (գրաֆ) կամ խոշոր արդիւնաբերողի 3 ձայնի հանդէպ մանր քաղաքացին օգտուում էր միայն մի յայտնի իրաւունքով։

Բացի ձայների բազմութիւնից, հաւասարութեան սկզբունքը խախտելու համար տիրող դասերը ստեղծել էին մի այլ ձև, այն է՝ ընտրող կուրիաներ կամ խմբակցութիւններ։ Այս դէպքում երկու խմբակի տրուում էր հաւասար քանակութեամբ ձայներ, չնայելով որ այդ խմբակցութիւնները տարբեր քանակութեամբ անդամներ ունին։

*) Տես «Համբաւարք» № 16։

*) Տես «Համբաւարք» № 16։

Այս գէպում, երբեմն մի երկու տասնեակ վաճառականներ կամ խոշոր հողատէրեր ընտրում են այնքան պատգամաւոր, որքան հարիւր հազարաւոր ստոր դասերի ընտրողները. օրինակ Աւստրիայում շնորհիւ կուրիական սխառեմի մի մի պատգամաւոր են ընտրում 64 հողատէր, 26 խոշոր առեւտրական, 4193 քաղաքացի, 12,290 գիւղական հասարակութիւնը, նոյնիսկ 69,563 այլ պատգամաւոր ընտրողներ: Ակնհերե է այն խոշոր անարդարութիւնը, որ բոլորում է ձայների անհաւասար բաշխումից: Նման անարդարութեան կը հանդիպենք մենք, եթէ իւրաքանչիւր նահանգին մեզանում տրուէր միևնոյն քանակութեամբ պատգամաւորներ ընտրելու իրաւունք: Ընտրողական հաւասար իրաւունքը պահանջում է որ ոչ մի ընտրողի ձայն չխեղդուէր և ամեն ոք ունենար միայն մի յայտնի իրաւունք: Այս բանն իրագործելու համար անհրաժեշտ է, որ իւրաքանչիւր ընտրութեան գէպում երկիրը բաժանուէր նոր ընտրողական շրջանների, ուշադրութեան առնուէր շրջանի ազգաբնակչութեան թիւը և հաւասար թուով ազգաբնակչութեան տրուէր հաւասար պատգամաւորներ ընտրելու իրաւունք: Այս սկզբունքով պէտք է կատարուի ընտրութիւնը ապագայ Սահմանադիր ժողովի պատգամաւորների և այլ բոլոր ընտրութիւնները:

Ընդհանուր ընտրողական իրաւունքը պէտք է պատկանի ամենքին հաւասար կերպով:

Ընդհանուր և հաւասար ընտրողական իրաւունքը կը հասնի իւր նպատակին, երբ ընտրող անձը օգտուի այդ իրաւունքով ուղղակի: Ուրիշ խօսքով ընտրողական իրաւունքը պէտք է լինի նաև ուղղակի: Այդ նշանակում է, որ հակառակ աստիճանական ընտրութիւնների իւրաքանչիւր ոք ինքն է ընտրում իւր պատգամաւորին անմիջապէս: Իւրաքանչիւր ընտրողի համար պէտք է պարզ լինի, թէ ում է ապիս իւր ձայնը և դրա հետ միասին իւր բախտի տնօրէնութիւնը, պէտք է գիտենայ թէ ով կարող և ընդունակ է պաշտպանելու իւր շահերը, որպէս զի միայն նրան տայ իւր ձայնը: Աստիճանական ընտրութիւնների գէպում, այսինքն այն ժամանակ երբ ընտրողները ընտրում են մի մարմին, այս մարմինը իւր հերթին մի այլ և միայն վերջին մարմինը ընտրում է պատգամաւոր, այս գէպում ընտրողի ձայնը կարող է յանկարծ տրուած լինել մէկին, որին ընտրողը ոչ ճանաչում է և ոչ էլ գիտէ թէ նա կը պաշտպանէ՞ արդեօք իւր շահերը: Նոյն իսկ աւելին՝ աստիճանական ընտրութիւնների գէպում ընտրուածը կարող է իւր ընտրողների շահերին բոլորովին ներհակ շահեր ունենալ: Գոյութիւն ունեցող ձեւերը, երկաստիճան, եռաստիճան, քառաստիճան և այլ ընտրութիւնները մի նպատակ ունին միայն, ըստ կարելւոյն ընտրողին հեռացնել ընտրուողից, որպէս զի այս վերջինը լինի այն մարդը, որ ընդունած կը լինի պաշտպանել տիրող դասերի շահերը: Մինչդեռ ընտրողները շահագրգռուած են իրենց շահերի պաշտպան ընտրել և դրա համար ևս պէտք է իրենց ձայնը անմիջապէս նրան տան, ով ընդունակ և կարող է պաշտպանելու իրենց իրաւունքները: Ընտրուածը պէտք է ուղղակի ընտրուի ընտրողներից:

Քառաստիճան ընտրութիւնների վերջին պահանջն է գաղտնի քուէարկութեան սկզբունքը: Տնտեսական և սոցիալական ներկայ իրաւակարգի շնորհիւ ազգաբնակչութեան խոշոր մեծամասնութիւնը և բանուորութիւնը և մանր գիւղացութիւնը իրաւապէս ազատ լինելով, ազատ չէ տնտեսապէս, այլ կախումն ունի աւելի փոքրամասնութիւն կազմող դասից: Շնորհիւ այդ հանգամանքի նա հնարաւորութիւն չունի բացարձակ կերպով օգտուելու իւր քաղաքական բոլոր իրաւունքներից: Մասնաւորապէս ընտրութիւնների ժամանակ բանուորը կամ գիւղացին միանգամայն գոր-

ծարանատիրոջ կամ կալուածատիրոջ ճնշման տակ են: Նոքա ստիպում են լինում յաճախ իրենց ձայնը տալու կալուածատիրոջ կամ գործարանատիրոջ թեկնածուին, չնայելով որ սա պէտք է պաշտպանէ ոչ-բանուորների և ոչ-գիւղացիների շահերը, իսկ քացարձակօրէն ընտրել իրենց թեկնածուին նոքա դժուարաւորում են, քանի որ այդ կարող է առիթ ծառայել բանուորին իւր օրական վերջին ապրուստից զրկուելուն: Գործարանատէրը կամ կալուածատէրը տնտեսելով, որ աշխատաւորը չի հպատակուած իրենց պահանջներին, անմիջապէս կարող են նրան գործից հեռացնել և զրկել նրան ապրուստից:

Ահա այս և նման պայմանները ի նկատի առնելով ընդհանուր, հաւասար և ուղղակի ձայնատուութեան հետ միասին պահանջում է և դադարի ձայնատուութեան սկզբունքը: Այս գէպում բանուորը կամ գիւղացին այլևս երկիւղ չունի աշխատանքից զրկուելու: Ընտրողը ազատօրէն մտնում է ընտրողական սենեակը և ներքակ ծրարով ձգում է իւր քուէն ընտրողական առկի մէջ, և այսպիսով զրկում է իւր գործարանատիրոջ՝ հեռուելու հնարաւորութիւնից թէ ում տուեց նա իւր քուէն, իւր, թէ՛ գործարանատիրոջ թեկնածուին: Ընտրութիւնները պէտք է դեկլարի բոլոր կուսակցութիւններից ընտրած առանձին յանձնաժողովը, որը մշակում է նոյնիսկ ծրագիրների ձևը, որպէսզի միանգամայն գաղտնի մնայ իւրաքանչիւր ընտրողի ձայնը: Միայն այս ձևով կազմակերպուած ընտրութիւններից յետոյ կարելի է ապահով լինել, երբ գործի գլուխ կանցնեն հասարակութեան սիրելի և գործունեայ մարդիկ:

Ամփոփելով մեր բոլոր պահանջները, օրոնց պէտք է գոհացում տան լաւ կազմակերպուած ընտրութիւնները, մենք տեսնում ենք, որ ընտրութիւնները կարող են համապատասխանել ժողովրդի շահերին միայն այն գէպում, երբ կազմուած են ընդհանուր և հաւասար ընտրողական իրաւունքի սկզբունքով ուղղակի և գաղտնի ծայնաստութեամբ: Ով այսպիսի ընտրութիւնների կոզմունակից է, նա անպայման ժողովրդի բարեկամն է և չի կամենում իշխանութիւնը թողնել տիրող դասակարգի ձեռքին: Ժողովուրդը արեան գնով պէտք է շահագրգռուած լինի այս սկզբունքների պաշտպանութեամբ, որովհետև սրանք դիւրացնում են ձեռք բերելու քաղաքական իշխանութիւն, որ պէտք է նպատակ ժողովուրդների քաղաքական նպատակների իրագործման:

Մ. ՍԱՀԱԿԵԱՆ

ՄԱՀԱՏԵՐԱԿԱՆՆԵՐԻ ՀԱՄԱԳՈՒՄԱՐԻ ՈՐՈՇՈՒՄՆԵՐԸ

Կովկ. մահմեդականների Բագուի համագումարը միաձայն որոշեց.

ա) Ռուսաստանի ապագայ քաղաքական կազմը պէտք է լինի ռաճկավար հանրապետութիւն՝ դաշնակցական սկզբունքների, որը միայն հնարաւորութիւն է ապիս լայնօրէն ապահովելու մահմեդական ժողովուրդների ազգային շահերը:

բ) Ընդունելով, որ իսլամական կրօն դաւանող բոլոր ժողովուրդներն իրար հետ կապուած են հոգևոր-կուլտուրական կեանքով, տնտեսաբար և համարուած Ռուսաստանում առաջ բերել ընդհ. մահմեդականութեան մի կենտրոնական օրգան օրէնսդրական գործօններով, հոգևոր-կուլտուրական միութիւնն ազատելու համար:

գ) Համագումարը անհրաժեշտ է գտնում ամեն կերպ աշակցել և պաշտպանել ժամանակաւոր Կառավարութիւն իւր նոր կարգերով այնչափ, որչափ նա հետևողականօրէն կը ձգտի իրականացնել բան. և դին. խորհուրդների համաձայնութեամբ մօրտի Յ-ին յայտարարած լուղւնգները:

դ) Համագումարը քննութեան առնելով իւր վերաբերմունքը դէպի ներկայ պատերազմը, որոշեց ամբողջովին յարել Ռուսաս-

տանի ղեմակրատիային, որը պատերազմի վախճանը պահանջում է առանց զբաղումների և տուգանքի:

Ե) Ամեն կերպ իրականացնել ղեմակրատիկ սկզբունքների վրայ դրուած Ռուսաստանի բոլոր ազգութիւնների ազգային-ըզաջական իդէալները, մասնաւորապէս կովկասեան ազգութիւնների վերաբերմամբ համագումարն անհրաժեշտ է գտնում սերտ ու համերաշխ յարաբերութիւն պահպանել բոլորի հետ, նպատակ դնելով իրականացնելու կեանքի մէջ փոխադարձ համերաշխութիւն և յարգանք՝ հիմնուած ղեմակրատիկ սկզբունքների վրայ:

Փաւառ

Քիշնու.—Մարտի 4-ին վախճանեցաւ Ն.-Նախիջ. և Բեսա. րարիայի հայոց թեմի առաջնորդ Տ. Ներսէս արքեպիսկոպոս Խուզավերդեան: 12-ին հողին յանձնուեցաւ Քիշնուի Հայոց եկեղեցու գաւթում:

Հանգուցեալ առաջնորդը ա. էջմիածնին թողել է 10,000 ա. կանխիկ դրամ, 10,000 ա. բանկային առմսեր և 20,000 ռուբլու սյլ և այլ իրեր:

Թաղման երեկոյեան առաջնորդարանում կոնսիստորիայի նախանշամ Մեսրոպ վարդապետ Մաքսուդեանի նախագահութեամբ տեղի ունեցաւ Թաղման առթիւ ժողոված քահանաների ժողով: Բոլոր քահանաների կողմից շնչառուեցաւ ազգային-եկեղեցական ընդհանուր ժողովի գումարման հրամայողական պահանջը: Տեսնել Յուսիկ վարդապետ Զոհրաբեանին Ն.-Նախիջ. և Բեսարաբիայի լայնածաւալ թեմի առաջնորդ—այդ էր ներկայ գտնուած քահանաների համարեա միաձայն ցանկութիւնը:

Ս. ԶԱՆ. ԱՊՐԷԼԵԱՆ

Տարեգիր Կ. Հ. Բ. Ընկ.

ՀԱՅԿ. ԿԵՆՏ. ԿՈՍՏԵՒ

29-ին ապրիլի կայացաւ Հ. Կ. Կ.-ի հերթական նիստը, նախագահութեամբ պ. Ս. Յարութիւնեանի, ուր եղան հետեւեալ զեկուցումներն ու որոշումները:

ա.— պ. Նախագահը զեկուցեց, որ Լոնդոնից օր. Ռորինզոնից ստացել է 3320 ա., յօգուտ Երևանի Վասպուրականի Կանանց Միութեան: Որոշուեց Խորէն եպ.-ի միջոցով փոխադրել այդ գումարը ըստ պատկանելոյն Յօգուտ Հ. Կ. Կոմիտէի ստացուել է 5000 ա. Մանչեստրից:

բ.— Կոմիտէի Տրապիզոնի ներկայացուցիչ Հայր Մեսրոպ աւ. ք. Մելեանը տուեց մի համառօտ զեկուցում Տրապիզոնում գոյութիւն ունեցող գաղթականական մարմինների, մասնաւորապէս Հայկ. Կոմիտէի, Կ. Հ. Բ. Ընկ. հիւղի, որբանոցի և գաղթ. դպրոցի մասին:

Հայր Մելեանցի զեկուցումն ընդունուեց շնորհակալութեամբ և որոշուեց փոխադրել Տրապիզոնի որբանոցը Սուխում և Բաթում, ի նկատի առնելով այն տեղի կեանքի անասելի թանգութիւնը:

գ.— Տաճկահայերի մայիսի 1-ին կայանալիք համագումարի առթիւ Կոմիտէն որոշեց ողջոյնի հեռագիր ուղարկել Երևան, յոյս յայտնելով, որ համագումարի արդիւնաւէտ աշխատանքը տաճկահայերի ծանր կեանքի թեթևացման գրաւական է լինելու:

Կ. Հ. Բ. Ընկ. Խորհուրդը շնորհակալութեամբ ստացել է.—

—պ. Գետրոս Տարաղեանից յօգուտ տաճկահայ որբերի 100 ռուբլի, այդ գումարը գոյացել է «Էրզրումի սրճարան»-ի յօգուտ տաճկահայերի յատկացրած տոկոսներից:

—պ. Կարապետ Շիրինեանից յօգուտ «Շիրինեան» գրադարա՝ ի 150 ա.:

—պ. Գասպար Յովհաննիսեան Տէր-Մարգարեանից յօգուտ Համըսուաբեր-ի տարածման 100 ա.:

—Թիֆլիսի ծխախոտի գործարանատէրերից հանգ. Միքայէլ Բոզարշեանի Քաղաղի վրայ պսակ դնելու փոխարէն յօգուտ ճաշարանի 500 ռ.:

—պ. Յովսէփ Յովսէփեանից յօգուտ «Համըսուաբեր»-ի 100 ռ.:

—Թեմի Խան-Շուբայից Լիւզմիւս Վլադիմիրովնա Կոմո-րովսկուց յօգուտ փախստականների 10 ռ.:

ՃԻՒՂԵՐ

Օշականի հասարակութիւնը գիմելով Խորհրդիս խնդրել է թոյլ տալ բանալ ընկերութեան նոր հիւղ. Խորհուրդը յարգեց նրանց խնդիրը:

—Շուլաւէրի հիւղի վարչութիւնը գիմելով Խորհուրդիս խնդրել է աւել մշտական անգամութեան մրցադրեր հետեւեալ անձերին, որոնցից ստացուած է յօգուտ հիւղի 100-ական ռուբլի. — Գէորգ Մովսիսեան Զիլինգարեանին, Յովհաննէս աւագ բան. Մարտիրոսեանին, Արաաշէս Յովսէփեան Երիբէզեանցին:

Խորհուրդը որոշել է աւել խնդրած մրցադրեր նաև՝

Տիւնիվայի հիւղից՝ օր. Մարիամ Գետրոսեան Ամիրադեանին, տիկ. Բեթեան Օսմանեան Մեքուսեանութեան աժուխներին և Օհաննէս Ստեփանեանին: Յուլիուս հիւղից՝ Մանուէլ Գէորգեանին և Մկրտիչ Գէորգեանին:

ՊԱՐԵՆԱՌՈՐՄԱՆ ԲԱԺԱՆԾՈՒՆԲ ՊԵՏ. ՄԻՋՈՑՆԵՐՈՎ

Ապրիլի 26-ից—մայիսի 8 ը

Ալիք ուղարկուած է Ալէքսանդրապոլ 2 վագոն, Երևան՝ 2, Լարաբիլիսա՝ 1 Դիլիջան՝ 1 և Զուգա՝ 2, ընդամենը 8 վագոն:

Ալաշկերտ ուղարկուած է 4 վ. ցորեն:

Շաքար ուղարկուած է Նոր-Բայազէդի և Ներքին Ախտայի պահեստներին 400 պ. և Աշտարակ՝ 500 պ., ընդամենը 900 պ.:

Սապոն ուղարկուած է Նոր-Բայազէդ 60 պ., Ելենովկա՝ 50 պ., Ներքին Ախտա՝ 60, Լարաբիլուզ՝ 60, Իզդիր՝ 200, Վաղարշապատ, Աշտարակ և Լուրգուղուլի 50-ական պ., ընդամենը 580 պարկ:

Աղ ուղարկուած է Աղստաֆա 2 վ., Մարիդամիշ՝ 1, Գանձակ՝ 1 և Լարաբիլիսա՝ 1, ընդամենը 5 վագոն:

Քրոնիկոն

Տպաւանի փոխադրութեան պատճառով «Համբաւաբեր»-ի մեր կայ համարը լոյս տեսաւ ուր երեսից բաղկացած:

Հայոց Թատրոն. Մայիսի 12-ին թատրոնի առթիւ Շիրվան-գաղէի նախագահութեամբ կազմուած ժողովը երկար խորհրդածութիւնից և վիճարանութիւնից յետոյ՝ որոշեց, պ. Լուսինի առաջարկութեամբ, ընտրել մի յանձնախումբ, լիազօրելով նրան՝ բանակցութիւն վարելու Արտիստ. ընկ. թատրոնի տիրոջ հետ՝ շէնքը դնելու համար: Իսկ բանակցութիւնից յետոյ հրաւիրել ժողով, միջոցներ կամ նոր թատրոն շինելու մասին մասնակցութիւն:

համար Թանձնախումբը կազմուից հետեւեալ անձերից՝ պ. պ. Յով. Թումանեան, Մուրինեան, Յ. Տէր-Դաւթեան, Ալ. Խաթսեան, Ս. Ափրիկեան, Կիկ. Մայսուրեան, Յ. Աբէլեան, Շիրվան-զադէ, Ս. Նաչատրեան, Հ. Առաքելեան, Իլիս. Բ. Արղութեան-Երկայնաբազուկ։ Որոշուեց խնդրել նաեւ կոմիտար Միք. Գապշանեանին, որ մասնակցէ յանձնախմբին։

Կորին վարդապետն ամսիս 3-ին Սիբիրիայից վերադարձաւ Թիֆլիս։

Մայիսի 1-ից փակուեց Կ. Հ. Բ. Ը-թեան աշակերտական ճաշարանը և կը վերաբացուի առաջիկայ սեպտեմբերից։

«Անահիտեան» գրադարաններէց մէկը ուղարկուած է նուէր Աստապատ գիւղի հասարակութեանը։

«Հասկեր» անունով սպառողական ընկերութիւն է կազմուել, որ ժողովուրդը հաւաքաբար կ'առնուի և փող է բանալու։

Համակովկասեան կօօպերատիւների համագումարը կայանալու է ամսիս 20—25։

Կ. Հ. Բ. Ը-թեան աշակերտական ճաշարանից արուած է 5654 հաշ։

Ապրիլի 30-ին վախճանուեց երիտասարդ հարտարապետ Էրիստափոր Տէր-Սարգսեանը։

Անդրկովկասեան կոմիտարները հրաժարեցրել են զենքերէ և զ. Ա. Քամաճեանին փախստականների զխաւոր լիազօրի պաշտօնից և նրա տեղ նայն գործի համար կոմիտարներ են նշանակել Խոսրով փաշա Բէկ-Սուլթանով և Սիրական Տիգրանեան։

Դաշնակցութեան Թիֆլիսի Կենտրոնական կոմիտէն Յովնանեան զպրոցում բաց է արել պրոպագանդայի դասընթացներ, որտեղ դասախօսութիւնները տեւելու են մի ամիս։

Կանանց բարձրագոյն դասընթացների հայ ուսանողուհիների միութիւնը կազմակերպել է խմբակներ քաղաքական հասարակական գործերին մասնակցելու համար։ Նոյն միութիւնը որոշել է մասնակցել հայ ուսանողների համառուսական համագումարին, որի համար ներկայացուցիչներ են ընտրուել օր. օր. Ա. Մանգինեան, Ն. Թումանեան և Լ. Դաւթեան։

Թիւրքիայից գրաւած վայրերի նահանգապետի տեղ Անդրկովկասեան առանձին կոմիտէն նշանակել է կոմիտար Գետական Դումայի անդամ Իւանիցկուն։

Կ. Հ. Բ. Ը-թեան զահլիճում կայացաւ հայ հարտարապետների, արուեստագործների և տեխնիկների ժողով, որտեղ որոշուեց հիմնել «Հայկական ընկերութիւն», որի նպատակն է լինելու՝ 1) տարածել արուեստական գիտելիքներ, 2) արուեստական օգնութիւն և 3) երկրի ուսումնասիրութիւնը արուեստական տեսակէտից։

Վրաց գերասանների համագումարը բացուեց ապրիլի 30-ին, որը զբաղուեց արհեստակցական միութիւն կազմելու խնդրով։

Ամենայն Հայոց Կաթողիկոսը մի կոնգակով ապրիլի 7-ից

վերականգնել է կանանց իրաւունքը՝ աղամարդկանց հաւասար մասնակցելու եկեղեցական-հասարակական գործերին, ընտրելու և ընտրուելու։ Նոյն կոնգակով յայտարարուած է, որ այսուհետեւ առաջնորդները, փոխանորդները և այլ հոգևոր պաշտօնեաները ընտրութեամբ են կարգուելու և յանձնարարուած է ձեռնարկել թեմական ժողովների ու թեմական խորհուրդների ընտրութիւնը։

Թիֆլիսի հաշուապահների ը-թեան նախաձեռնութեամբ ժողովում Ժամանակներումս բացուել է ծառայողների բանկ, որի նպատակն է ծառայել պրոլետարիատին։ Բանկի անդամներ կարող են լինել միմիայն ոռնիկ ստացող անձինք։

Կ. Հ. Բ. Ը-թեան գրադարանից ապրիլի ընթացքում արուած է կարգալու համար 3984 գիրք, որից 2932 հայերէն և 1052 ռուսերէն։

Արտաքին տեսութիւն

Պ. Ա. ԿՐԱՊՈՏԿԻՆԸ ՊԱՏԵՐԱԶՄԻ ՄԱՍԻՆ*)

Դեռ մի տարի առաջ շատ նշաններ կային պատերազմի մօտիկութեան և աակաւին փետրուարին 1913 թուի և «Temps Nouveaux» թերթի իմ բարեկամ խմբագրին ևս Բորդիգերում ապացուցանում էի, որ շատ սխալուած են այն ֆրանսացիք, որոնք զէմ են զինուորական երեք տարուայ ծառայութեան օրինագծին։

Եթէ Ֆրանսիան զինուորակոչ յայտարարէր թէկուզ մասնակի՝ պատերազմի անպատճառ կը բռնկէր։ Գատերազմը կը ծագի, ասացի ևս այն մամանակ, երբոր հունձը կսկսուի Ֆրանսիայում և Ռուսաստանում։ Նէմէցները լաւ գիտեն, որ ուրիշ մամանակ նրանք հնար չունեն կերակրելու իրենց զօրքերը, մանաւանդ արագ յարձակուող հեծելազօրքը։ Յիշեցէր որ 1870 թուին էլ պատերազմը սկսուեց յուլիսին։

Սա շատ պարզ էր և մարդիկ, որոնք եւրոպական գործերից տեղեակ չեն և շանիծեալ խնդիրների մասին քիչ են մտածել, կարող են գերմանական փողերով կաշառուած թերթերի և հեռագրական գործակալների լուրերի հիման համեմատ կարծել թէ պատերազմի պատճառն այն էր, որ Ռուսաստանը Սեբրիային պաշտպան զուրս եկաւ։

Սակայն Բելգիայի պետական մարդկանցից մի չգիտէր, որ Գերմանիան վաղուց վճռել էր տիրելու Բելգիային, իսկ Հոլանդիային ստիպելու միանալ Գերմանիային, որովհետեւ Հոլանդիայի ձեռքին են Հնդկական օվկիանոսից Խաղաղ. օվկիանոս տանող ջրանցքները։ Իսկ Ֆրանսիան վաղուց վճռած էր երրորդական պետութեան վերածելու։ Գերմանական միապետութեան ամբողջ կեանքը նուիրուած էր այս նպատակին։ Այս գաղափարներով զառանցում են Գերմանիայում միլիոնաւոր թէ բուրժուան և թէ բանուորը։

II

Սեբրիան չէ պատերազմի պատճառը և ոչ Գերմանիայի վախճանալը Ռուսաստանից, այլ այն հանգամանքը, որ Գերմանիայում շատ քիչ քաղաքութեամբ երկրի տէրը դարձած գաղափարը հարբածի պէս տարուել էր Ֆրանսիային յաղթելուց յետոյ զօրեղացած զինուորականութեան ոգով և ծովի ու ցամաքի վրայ իշխելու տենչով։ Այս գաղափարը վիրաւորական է ուղղակի համարում Գերմանիայի համար, որ նրա զրացիները խան-

*) Յեւ «Համբաւարներ» № 15։

գարում են նրան յափշտակելու Միջերկրական ծովի հարուստ գաղութները, որպէս Մարսիկո, Եգիպտոս և Ալժիր, նոյնպէս Փոքր Ասիան և Չինաստանի մի մասը, իրանից առաջ են գրաւում Պարսից ծոցը և առհասարակ խանգարում են Գերմանիային գերիշխանութիւն ստեղծելու Եւրոպայում, Ասիայում և Աֆրիկայում։ Գերմանիայի գործարանական արդիւնաբերութեան սաստիկ զարգացումը առանց զիւղացութեան անդհապահման միջոցները աւելացնելու, որ զիւղը կարողանայ սպառող շուկայ դառնալ, մանուֆակտուրային ապրանքների համար այն արդիւնքը տուեց, որ Գերմանիայի պրոդուկտային ահագին մեծածառնութիւնը նոյնպէս վարակուեց նուաճողական ծրագրերով և երազում է ուրիշ երկիրներ տիրապետելու ձգտումով, որ Գերմանիայի ապրանքները արտահանուեն և երկրի կապիտալիզմը հզօրանայ և երկիրը փող մանի։ Վերջի վերջոյ ստեղծուեց միացեալ զինուորական պետութեան դադափարի պաշտամունք, զորքի աստուածացումն և զարմանալի համերաշխութիւն նուաճողական ձգտումներով։

Որ այս նկարագիրը ճիշտ է՝ սրա ապացոյցը հետեւեալն է. չեղօք եղէք—գրում էր Վիլհելմը Անգլիային, պատերազմի սկզբին—և ես Յրանսիային չեմ դիպչի Եւրոպայում՝ բացի նրա գաղութներից (Մարսիկո, Տոնկին, Տունիս, Ալժիր)։

Ի՞նչ էր ինձ հետ—գրում էր Իտալիային—և ես կը տամ ձեզ Սաւոյան, Նիցցան և Տունիսը։

Մի խառնուէք—նա տեղեկացնում էր զաղանի Ռուսաստանին—և կը վերջացնեմ Անգլիային, Յրանսիային և Բելգիային հետ հայրենիքս և խոստանում էր ձեռք չը տալ ուսաներին, բայց ի հարկէ մի առ ժամանակ։

Գերմանական կանցլերը լրբաբար գրում էր Անգլիոյ արտաքին գործոց նախարարին, թէ միթէ արժէ նշանակութիւն տալ մի թղթի կտորին, որով ապահովեցրած է Բելգիայի անտալ մի թղթի կտորին, որով ապահովեցրած է Բելգիայի անտալ մի թղթի կտորին և այսպիսով յայտարարում է, որ Գերմանիայի համար միջազգային պայմանագրերը պոյութիւն չունեն։ Մեզ կասեն թէ նապոլէոն Ա-ը նոյնպէս ռոսակոյն էր անում միջազգային դաշինքները։ Ճիշտ է, բայց չէ՞ որ Ֆրանսիական հասարակապետութեան զօրքերը մինչև 1812 թուի պատերազմը և յետոյ նոյնիսկ նրա միապետական Եւրոպայում ոչնչացնում էին ստրկութիւնը (кредитное) և մտցնում էին բոլորի համար հաւասարութիւն օրէնքի առաջ։ Սրա մէջ էր նրա զօրքերի ոյժը։ Ի՞նչ են բերում այժմ իրենց գերմանական բանակներն իրենց վառած քաղաքները և գիւղերը։ Ոչինչ, բացի զինուորական պետութեան իդէալ, օրէնքի ոչ մի հասկացողութիւն։ Նրանք, այո, ոչինչ չեն բերում բացի դազանացած զինուորի խրոխտանք և ռոսակոյնումն ու տապալումն այն կուլտուրայի, որ Գերմանիայում ստեղծուել է մինչև 1870 թուականը։

Գ. ԵՆԳԵՐԱՆԵԱՆ

(Շարունակելի)

ՏԱՃԿԱՀԱՅԵՐ

«THE CHRISTIAN» Շաբաթաբերը

Լոնդոնում հրատարակուող The Christian—Քրիստոնեայ կրօնական շաբաթաթերթի թիւ 2453, փետրուարի 1-ին P. Whitwell Wilson-ը մի համակրական յօդուած է գրել «Armenias Tragedy»—«Հայաստանի ողբերգութիւնը» վերնագրով, որի բովանդակութեան մասին մի զաղափար կազմելու համար տալիս ենք շատ համառօտ քաղուածք։

Փետրուարի մէկ կիրակին անգլիական և միւս յարանուանական եկեղեցիները որոշել էին Ազոթքի-օր Հայաստանի տանջուած քրիստոնեաների համար։

Գերմանիայի պատասխանատուութիւնը հայոց սոսկումններու արդէն յայտնի է Լորդ Բրայսի հապոյտ-Գրքից։ Ամերիկեան

միսիոնարները Հայաստանի մէջ այս բաները անձամբ հաստատեցին։ Թող Աստուած դատէ իւր մորթոտուած որբերի պատճառ դարձողներին։

Բայց մենք էլ յիշենք մեր պատասխանատուութիւնը։ Եթէ Անգլիոյ կառավարութիւնը ժամանակին Սան-Սթեֆանոյի դաշնագիրը չի խանգարէր, ներկայիս աւերակ դարձած հայկական գաւառները Ռուսաստանի կցուած պիտի լինէին և պիտի վայելէին կեանքի և գոյքի ապահովութիւն և կրօնի ազատութիւն։

1878-էն վերջ 1 միլիոն 250 հազար քաղաքացիներ բնաջնջուած պէտք է լինեն։

Անգլիական ցարդ մենք էլ մի քիչ պատճառ դարձած ենք հայերու ներկայ ցաւերուն։

Հայերի քրիստոնէութիւնը ինքնայատուկ բնոյթ ունի, քիւրդ աւազակներով շրջապատուած և ուրիշ արգելքներ, որը աներևակայելի է հերոսացիներուն։

Քրիստոնեայ հայ ժողովուրդը չուզեց Փրկչի խաչը ուրանալ և Քրիստոսից չբաժանուելուն համար շնչուեցաւ, շարդուեցաւ։

Պէտք է խոստովանիլ որ մի շարք գերման պատուիրներ այս բոլորը տեսնելով սոսկացին և երբ խաղաղութիւնը վայ, լաւ վրեկներ պիտի լինեն։

Հին ժամանակներու մարտիրոսութիւնները և հաւատաբէնութեան սոսկումները ոչինչ են հայ մարտիրոսագրութեան տուէլ։

Կովկաս ապաստանած փախստական հայերու համար Լոնդոնի քաղաքագլխի ֆոնդը մեծ դործեր ունի կատարելիք։ Նիւթական աջակցութիւն ցոյց տանք այս հայանպաստ ֆոնդին։

Կը յուսանք թէ մի նոր դար է բացուելու Հայաստանի համար։

Մենք պիտի ուզէինք տեսնել ժամոյշ Հայաստանը Ռուսաստանի իշխանութեան տակ։ Հայերն էլ պէտք է աշխատեն գործնական կեանքի և ոչ-քաղաքական փափազներու համար։ Թէպէտև Ռուսաստանը դանդաղ է զարգանում, բայց նրա գէմբը գէպի ազատութեան արշալոյսն է նայում։

ՇԵՐՎԱՆՇԵՆԻ ԿՈՏՈՐԱԾԸ

Ապրիլի 29-ին լրացաւ Շերվանշեխի կոտորածի երկամեակը։ Ռուս յաղթական զօրքի առջնէն փախուստի մատնուած համիդէի հեծելազունները՝ ազատելու համար իրենց ընտանիքը վաղահաս և հետապնդող աղէտէն, ճանճերու բազմութեամբ Թափուեցան Շերվանշեխի Բուլանխայ ծայրագաւառի գիւղին մէջը և յափշտակելով տարան բոլոր լծկանները՝ գոմէշ, եղ և այլն։

Քիւրդներու այդ յափշտակութեան գործին լրացուցիչ եղան Ալաշկերտի մուհաքիւրները, որոնք այդ տարուայ աշունէն իվեր նոյն գիւղին մէջ տեղաւորուած էին 85 սուլէն աւելի և կ'ստանային թէ իրենց և թէ իրենց անասնոց համար պաշար՝ տեղական ժողովուրդէն։ Երկու ժամուայ մէջ այդ մեծափարթամ գիւղը աւելցին, սրբեցին իւր հարստութենէն։ Զը միանց, չը միանց ոչ մի բան։

Քիւրդներն ընդհանուր կոտորածի ոչ մի նշան ցոյց չտուին, Շերվանշեխի համար իրենց վրէժը լուծած կը համարէին լոկ մի քանի աւանաւոր անձինք ձեռք ձգելով։

Այդ օրը զոհ գացին 4 անձ, երկուքը եղբայրներ և երկուքը հայր ու որդի։

Այդ օրուայ անակնկալ և ահաւոր սոսկումէն շջմած ժողովուրդը՝ օրինակ տանելով իւր հարեան գիւղը՝ Համզաշեխը, դայլերու վոճմակէն հալածական հօտի պէս, օրոնելով իւր փրկութեան ճանապարհը, կորստեան ճամբան ձեռք առաւ։ Գունդագունդ Թափուեցան Ձէրքէզի գիւղը—Սիմոյը, ուր կը յուսային պաշտպանութիւն գտնել իրենց աղուհացիք քերվաններէն։ Երկու

հարևան ժողովուրդները մի քանի օր շունչ քաշեցին Ջերբեգին-բու ըովը, բայց ամենքի համար էլ մանր անխուսափելի էր, թէն ոչ ոք չէր ուզեր հաւատալ իւր մտքի յոսեանս երևակայութեանը: Եղան շատեր որ իրենց գործած սխալէն հրաժարուեցան և տեսան բացողած անյատակ անդունդը: և ահա գիշեր մը տղամարդոց մի զունգը գաղտնի յառաջ սողաց անցնելու քիւրդի բոշերու մէջէն, որոնք կը հանգչէին գիշերային քաց դաշտին վերայ և կը կտրէին բոլոր անցքերը Սիմոյէն—Մանազկերտ փախչող հայերի առջև:

Գիշեր չեղան, որոնք իրենց կեանքը կապեցին իրենց ընտանեացը և զաւակացը հետ, չբաժնուեցան անոնցմէ և անոնց հետ ալ կոտորուեցան ընդմիշտ: Կառավարութիւնը շուտով իմացաւ Ջերբեգների հովանաւորութեան լուրը հայերու մասին. անմիջապէս Լիզէն խրկուեցան զունգ մը վաւաշտ և արիւնաբորու ոստիկաններ՝ բերելու Սիմոյէն հոն անխնամ թողուած, սովալուկ հայերին և կառավարութեան բարի խնամքին յանձնելու: Կառավարութեան խորհրդաւոր հրամանը կատարուած էր: Նոյն օրը համրայ ելաւ մի անագին խոռոհեղանակ բազմութիւն և գիշերը օթեանեց իւր կեանքի վերջին օթեանումը՝ Թարագըլ:

Գրչիս Թոյլ չեմ տար յիշելու կանանց և աղջիկներու վրայ կատարած ոստիկաններու լսիրշ և հակամարդկային արարքները: Յաջորդ առաւօտը խումբը համրայ էր ելած գէպի Պարաղլի կամուրջը: Ոստիկաններն ընկերակցութեամբ մուհաճիւրների, խումբին ետեւէն և առջևէն կը գնային, որպէսզի ըստ կարելոյն խիտ և խճճուած քայլեր խումբը: Երբ տղամարդոց խումբը սեղմ շարքերով ելաւ կամուրջին վրայ, ետեւէն և առջևէն մէկէն բացուեցաւ համազարկը, նոյնը կրկնուեցաւ և կրկնուեցաւ յաճախ մինչև որ բոլորն ալ կամրջին վրայ ինկան դիտապաստ: Այդ մարդկունքի ժամուն եղան շատեր որ ակամայ նետեցին գիշերնք տասնեակ ստոճէն բարձրութեամբ կամուրջէն և իրենց շունչն ու հոտաշը յոնձնեցին Արածանիի գոռ ալիքներուն:

Այդ օրը Համազանիէն և Շիրվանշինէն զո՛ւ գնացին աւելի քան 400 տղամարդ և գերուեցան գեղեցիկ կին ու աղջիկ:

Բաղրու:

ԱՐՄԻՆԱԿ

Գեղարուեստ

ՎԵՐԶԻՆ ԱՂՕԹՔԸ...

Ու հեալէն, ու շնչասպառ՝
Հայ գեղուհին մոլեգնած՝
Կ'ելլէր, կ'ելլէր լուռ՝ անբարբառ՝
Բլուրն ի վեր, կ'թոտած...

Հէգ՝ փարապինդ՝ կրծքին փարթամ՝
Ան նորածինն էր սեղմեր.
Հոգին խռովը, միտքը տարտամ
Լոկ հին սոսկում կը յիշէր...

Ու ալ նուազ, ալ պարտասուն՝
Ան բարածայուն էր գտեր.
Մօտ՝ գահավէժ, ոճիրն հեռուն
Ձինք լկեկու էր ելեր...

Ալ կը կենայ հարսն աչազիզ.
Նայուածքը վեր՝ ակնդէտ.
Կը մրմնջեն շրթներն անմիզ.
«Տէր, Տէր, գաւկիս գթա գէթ...»

Լուռ համրոյրովը մոլեխանդ,
Չաւկին ճակատը կ'օժէ.
Վար կը գնէ ու գէպ անդունդ...
«Չաւակս, Տէր» կը հայցէ...

Հ. ԱՐՅՈՒՐ

ՏԵՂԵԿԱՏՈՒ

Կ. Հ. Բ. Ընկ. Ախալցխայի որբանոցի օգուտն փետրուարի 6-ից մինչև մարտի 6-ը ստացել ենք նուէրներ հետեւեալ անձերից՝ Աշիկի և օր. Համասփիւռի պսակադր. հանդիսին հանգանակած՝ 86 ա. 10 կոպ., Սեդր. Չերքէզեանի միջոցով Սարգիս Խաչատրեանի պսակադր. հանդիսին հանգանակած՝ 30 ա., Խորէ Ծանառեանի միջոցով Արշակ Շահանեանի պսակադր. հանդիսին հանգանակած՝ 23 ա. 5 կոպ., Չար. Սարայգարեանի միջոցով Մարտիրոս Գալոյեանի դստեր Նշանադրութեան հանդիսին հանգանակած՝ 25 ա., Խորէն Նալբանդեանից՝ պ. Յակոբ Մեծատունեանի նուիրածը՝ 10 ա., Մարտիրոս Գեարտեանի միջոցով Յակ. Չերքէզեանի պսակադր. հանդիսին հանգանակած՝ 40 ա. 50 կ., Մկ. Մուրադեանի և Վահան Զիլինգարեանի խնջոյքներին հանգանակած՝ 50 ա., Սեդր. Չերքէզեանից իրանց տան խնջոյքին հանգանակած՝ 40 ա., Յակոբ Բրիտատոտորեանի և Լ. Սուճեանի միջոցով Կ. Յովհաննէսեանի և օր. Յ. Մէրեանի պսակադր. հանդիսին հանգանակած՝ 23 ա. 25 կ., Ս. Սվազեանի միջոցով Վաղարշակ Ֆիսանեանի անուանակոչ. հանդիսին հաւաքած՝ 25 ա., Ս. Սվազեանից իւր ընկ. շրջ. հանգանակած՝ 12 ա., Տ. Հաչկան-դուխտ Գալաւուշուր (Բալախանուր), ի յիշատակ իւր հանգուց. ջրով՝ Փեփրոնէի՝ 50 ա., Ս. Սվազեանի միջ. Դիւիճ Տնկողեանից նուէր՝ 5 ա., նոյն անձի միջոցով Սարգ. Աւետիսեանից՝ 3 ա., Արշակ Երևանցեանից՝ 3 ա., Մկրտչ. Կապոյեանից՝ 1 ա., Դաֆէր Սերգոյից՝ 3 ա., Մարտ. Կողոյեանից՝ 3 ա., Արիստ. Կազմարեանի տան խնջոյքում հանգանակած՝ 18 ա. և Յակ. Երատունեանի բաղանիքում հանգանակած՝ 7 ա., բոլորն էլ վերոյիշեալ պարսնի միջոցով: Գր. Ոգարեանից, իւր որդու Հակոբ Լեւոյի հարսնատոնութեան հանդիսին հանգանակ.՝ 26 ա. 15 կ., Օր. Լը-ոհիսիմէ Յակոբեանից՝ պ. Յակ. Չերքէզեանի պսակադր. հանգիսին հաւաքած՝ 5 ա. 50 կ., օր. Վարդանոյշ Սվազեանից՝ իրանց տան խնջոյքում հանգանակած՝ 25 ա., Սեդր. Սվազեանից՝ Ծանադիտ այգում՝ Յովհ. Դառապարեանի հետ հաւաքած՝ 8 ա., Տիկին Դշուհի Բաղրատունուր ի յիշատակ իւր վաղամեռիկ որդու՝ Արդուլ-Մհերի 25 ա., Մանուկ Մովսիսեան—նոյն հանգուցեալի յիշատակին պսակի փոխարէն՝ 15 ա., տ. Էլբիլ Բիրիճեանից՝ իւր հանգուցեալ եղբոր՝ նոյն Արդուլ Մհերի յիշատակին՝ 10 ա., տ. Աղանդեղեանը որբերին տուել է մի քանի տասնեակ կոնակ Արամ Միրաքեան և ընկ. իւրեանց ցորենադադ մեքենան և նկուղը ձրի տուել էր որբանոցին ամսով գործածելու և այլ նուէրներ, որի համար բոլոր այդ նուիրատուներին Որբանոց Մասնախումբը յայտնում է իւր շնորհակալութիւնը:

Որբանոցի Մասնախումբի նախագահ՝ Կ. ԹԵՆՍԵԱՆ

ՆԱՄԱԿ ԽՄԲԱԳՐՈՒԹԵԱՆ

Կ. Հ. Բ. Ընկերութեան Շուրաւերի հիւղի վարչութիւնս յայտնում է իւր խորին շնորհակալութիւնը մեր հայրենակից Թիֆլիսաբնակ մեծարգոյ պ. Գէորգ Զիլինգարեանցին, արժ. Յովհաննէս աւագ քահանայ Մարտիրոսեանցին և Ծանառեանի ընկ. Նախուղ պ. Արտաշէս Երեքէզեանցին, որոնք գրուեցին հիւղիս մշտական անդամ. պ. Զիլինգարեանը միանուազ վճարեց հիւղ-հարիւր (500) ա., իսկ միւսները՝ մի մի հարիւր (100) ա., այլև Թիֆլիսաբնակ Տիկին Հայկանուշ Մարտիրոսեանին, որ ի յիշատակ իւր հանգուցեալ ամուսին Ռոստոմ Մարտիրոսեանից՝ նուիրեց հարիւր (100) ա.:

Կախազի վարչութեան՝ ՎԱՀԱՆ ՄԻՐԱՔԵԱՆ
Բարաւագար՝ ՅՈՎՀ. ԲՀ. ԿԵՆԱՆԵԱՆ

ՊՈՍՏ-ԱՐԿՂ.

Նիժ, Ա. ք. Տէր-Յովսէփեանին.— Ձեռք կարող այգեան երկար յօդուածներ ընդունելու:
Դեմաշէն, Վ. Մ.— Գէորգ է գրել կարճ և միայն մի երեսի վրայ. չի ապուլի: